

Računovodstvene politike i zabilješke uz finansijske izvještaje
za period 01.01. - 30.06.2025. godine

1. Opše informacije

Nastanak, povijest i osnovne djelatnost

ZIF Fortuna fond dd (u nastavku: „Fond“) je zatvoreni investicijski fond osnovan kao dioničko društvo. Fond je zaseban subjekt osnovan radi prikupljanja novčanih sredstava i ulaganja tih sredstava s ciljem povećanja vrijednosti imovine Fonda. Fond je osnovan 2001. godine kao privatizacijski investicioni fond. Odobrenje za osnivanje Fonda izdala je Komisija za vrijednosne papire FBiH.

Društvo za upravljanje Fondom

U skladu sa Statutom Fonda i odredbama Zakona o investicijskim fondovima, Fondom upravlja DUF Lilium Asset Management d.o.o. društvo za upravljanje investicijskim fondovima sa sjedištem u Sarajevu (u nastavku: "Društvo" ili „Društvo za upravljanje“). Društvo je registrirano u Općinskom sudu u Sarajevu. Društvo je u 100%-tnom vlasništvu Massimo holding d.o.o. Sarajevo. Društvo odgovara za poslovanje Fonda kao i za štetu počinjenu vlasnicima udjela uslijed kršenja Zakona o investicijskim fondovima i Statuta Fonda. Shodno Zakonu, Društvo Fondu zaračunava naknadu za upravljanje.

Banka skrbnik

Shodno Zakonu, Fond je odabralo banku depozitara i skrbnika kojoj je povjereno čuvanje imovine Fonda. Banka depozitar i skrbnik Fonda je Raiffesen bank BiH d.d., sa sjedištem u Sarajevu, (u nastavku: „Banka depozitar“). Osim usluga čuvanja zasebne imovine, Banka depozitar prikuplja uplate i nadzire utvrđivanje vrijednosti NVI. Banka skrbnik odgovara Fondu za štetu koju su oni pretrpjeli uslijed kršenja zakona. Shodno Zakonu, Banka skrbnik zaračunava naknadu za svoje usluge.

Komisija za vrijednosne papire F BiH

Komisija za vrijednosne papire F BiH je regulatorno tijelo Fonda, osnovano kao agencija Federacije BiH.

Uprava i Nadzorni odbor Fonda

Nadzorni odbor

Sergej Goriup	Predsjednik	od 01. 04. 2022. godine
Iris Nežirević	Član	od 01. 04. 2022. godine
Armin Alijagić	Član	od 01. 04. 2022. godine

Uprava

Hamdija Velagić	direktor	od 23. 10. 2024. godine
-----------------	----------	-------------------------

2. Računovodstvene politike

Osnova za pripremu

Pretpostavka vremenske neograničenosti poslovanja

Ovi izvještaji su sastavljeni u skladu s pretpostavkom vremenske neograničenosti poslovanja.

Izjava o usklađenosti

Finansijski izvještaji Fonda pripremljeni su u skladu s Međunarodnim standardima finansijskog izvještavanja. Finansijski izvještaji Fonda za 2025. godinu bili su pripremljeni u skladu s Međunarodnim standardima finansijskog izvještavanja („MSFI“). Uzevši u obzir djelatnost Fonda te promjene MSFI-jeva, ne radi se o značajnoj promjeni.

Osnova za mjerenje

Finansijski izvještaji Fonda pripremljeni su na osnovi amortiziranog troška, osim finansijske imovine raspoložive za prodaju koja se mjeri po fer vrijednosti.

Korištenje prosudbi i procjena

Priprema finansijskih izvještaja u skladu s MSFI-jevima zahtjeva od rukovodstva Društva za upravljanje donošenje prosudbi, procjena i pretpostavki koje utječu na primjenu politika i iskazane iznose imovine, obveza, prihoda i rashoda. Procjene i povezane pretpostavke temelje se na historijskom iskustvu i različitim drugim faktorima za koje se smatra da su razumni u danim uvjetima i uz raspoložive informacije na datum izrade finansijskih izvještaja, a čiji rezultat čini osnovu za prosuđivanje knjigovodstvene vrijednosti imovine i obaveza koja nije lako utvrdiva iz drugih izvora. Stvarni rezultati mogu se razlikovati od ovih procjena.

Procjene i uz njih vezane pretpostavke kontinuirano se pregledavaju. Izmjene računovodstvenih procjena priznaju se u razdoblju u kojem je procjena izmijenjena i budućim razdobljima, ako izmjena utječe i na njih.

Funkcionalna i izvještajna valuta

Finansijski izvještaji Fonda pripremljeni su u konvertibilnim markama (KM), što je ujedno i funkcionalna valuta Fonda. Službeni kurs konvertibilne marke koji je objavila Centralna banka BiH u odnosu na drugu značajnu valutu, bio je kako slijedi:

Valuta	30.06.2025.
1 EUR	1,95583

Značajne računovodstvene politike

Priznavanje prihoda i rashoda

Računovodstvo prihoda i rashoda Fonda temelji se na obračunskoj osnovi, odnosno prihodi i rashodi koji se odnose na izvještajno razdoblje uključeni su u izvještaj o sveobuhvatnoj dobiti bez obzira na dan njihova primitka ili nastanka.

Inozemni prihodi i rashodi izračunavaju se i iskazuju u KM na temelju srednjeg kursa Centralne banke na odgovarajući dan.

Dobici i gubici od kursnih razlika priznaju se u računu dobiti i gubitka izvještajnog razdoblja.

Oporezivanje

U skladu s trenutno primjenjivim poreznim zakonima, dobit Fonda podliježe porezu na dobit.

Prihod i rashod od kamata

Prihodi i rashodi od kamata priznaju se kroz dobit ili gubitak kako nastaju, primjenom efektivne kamatne stope relevantnog instrumenta izračunate na datum stjecanja, kojom se budući procijenjeni novčani tokovi svode na neto sadašnju vrijednost tijekom razdoblja trajanja pripadajućeg ugovora ili primjenom odgovarajuće promjenjive kamatne stope, osim za prihode od kamata od dužničkih instrumenata po fer vrijednosti kroz račun dobiti i gubitka koji se priznaju po kuponskoj kamatnoj stopi. Prihodi od kamata uključuju amortizaciju bilo kojeg diskonta ili premije, i ukoliko je primjenjivo, transakcijske troškove ili ostale razlike između početne knjigovodstvene vrijednosti kamatonosnog instrumenta i njegove vrijednosti po dospijeću, izračunatih primjenom efektivne kamatne stope.

Troškovi poslovanja

Troškovi Fonda za razdoblje uključuju naknade za upravljanje, naknade Banci depozitaru i skrbniku, naknade Sarajevskoj berzi, naknade Registru vrijednosnih papira i ostale troškove. Ostali troškovi poslovanja uključuju troškove brokera, troškove platnog prometa, trošak revizije, troškove plate i nadzornog odbora i naknadu Komisiji za vrijednosne papire FBiH i dr., koji se priznaju kroz dobit ili gubitak kako nastaju. Troškovi koji se mogu odbiti od imovine Fonda su detaljno navedeni u Statutu Fonda.

Neto dobici i gubici od kursnih razlika pri preračunavanju monetarne imovine i obveza

Transakcije u stranim valutama preračunate su po službenom kursu Centralne banke BiH na dan poslovne promjene. Monetarna imovina i obveze izražene u stranim valutama preračunati su u konvertibilne marke po službenom srednjem kursu Hrvatske narodne banke koji se primjenjuje na datum izvještavanja. Razlike kurseva stranih valuta koje proizlaze iz preračunavanja stranih valuta i svi realizirani dobici i gubici kod prodaje ili namire monetarne imovine ili obveza priznaju se kroz dobit ili gubitak. Razlike nerealiziranih kurseva stranih valuta koje proizlaze iz preračunavanja stranih valuta finansijske imovine i obaveza koji se vode po fer vrijednosti kroz račun dobiti i gubitka prikazani su u stavci Neto dobici i gubici od finansijske imovine i obveza po fer vrijednosti kroz račun dobiti i gubitka. Sve ostale razlike kurseva stranih valuta koje proizlaze iz preračunavanja stranih valuta po monetarnoj imovini i obvezama, uključujući novac i novčane ekvivalente prikazani su unutar posebne linije dobiti ili gubitka.

Finansijski instrumenti

Klasifikacija

Društvo za upravljanje klasificira finansijsku imovinu i obveze Fonda u sljedeće kategorije: Finansijska imovina po fer vrijednosti kroz bilans uspjeha, Finansijska imovina po fer vrijednosti kroz ostali ukupni rezultat i Finansijska imovina po amortizovanom trošku.. Društvo za upravljanje odlučuje o klasifikaciji pri inicijalnom priznavanju.

Finansijska imovina raspoloživa za prodaju

Finansijska imovina raspoloživa za prodaju je nederivativna finansijska imovina koja je klasificirana u ovu kategoriju ili nije klasificirana u neku drugu kategoriju. Finansijska imovina klasificirana kao raspoloživa za prodaju namjerava se držati na neodređeno vrijeme, ali može biti prodana kao odgovor na potrebe održavanja likvidnosti ili promjenu kamatnih stopa, kurseva ili cijena vlasničkih instrumenata. Finansijska imovina raspoloživa za prodaju uključuje dužničke i vlasničke vrijednosne papire

Priznavanje, prestanak priznavanja i mjerenje

Redovne aktivnosti ulaska i izlaska iz investicija priznaju se na datum trgovanja, odnosno na datum na koji se Fond obvezuje kupiti ili prodati ulaganje. Finansijska imovina i finansijske obaveze po fer vrijednosti kroz bilans uspjeha početno se priznaju po fer vrijednosti. Transakcijski troškovi priznaju se kao trošak kada su nastali u izvještaju o sveobuhvatnoj dobiti.

Finansijska imovina se prestaje priznavati kada su prava za primanje novčanih tokova od ulaganja istekla ili su prenesena, a Fond je prenio sve rizike i koristi od vlasništva. Finansijske obveze prestaju se priznavati kada su izvršene - odnosno kada je obveza navedena u ugovoru podmirena ili otkazana ili istekne.

Nakon početnog priznavanja, sva finansijska imovina i finansijske obveze po fer vrijednosti kroz bilans uspjeha vrednuju se po fer vrijednosti. Dobici i gubici koji proizlaze iz promjena fer vrijednosti kategorije „Finansijska imovina po fer vrijednosti kroz bilans uspjeha ” prikazani su u izvještaju o sveobuhvatnoj dobiti u razdoblju u kojem su nastali.

Prihodi od dividende od finansijske imovine po fer vrijednosti kroz bilans uspjeha priznaju se u izvještaju o sveobuhvatnoj dobiti u okviru prihoda od dividende kada se utvrdi pravo Fonda na primanje isplata. Prihodi od kamata na dužničke vrijednosne papire po fer vrijednosti kroz račun dobiti i gubitka priznaju se u izvještaju o sveobuhvatnoj dobiti u okviru kamata od finansijske imovine po fer vrijednosti kroz račun dobiti i gubitka.

Potraživanja

Potraživanja su ne-derivativna finansijska imovina s fiksnim ili odredivim plaćanjima koja ne kotiraju na aktivnom tržištu. Potraživanja se početno priznaju po fer vrijednosti, a naknadno se mjere po amortiziranom trošku.

Obaveze i obračunati troškovi

Obaveze i obračunati troškovi početno se priznaju po fer vrijednosti, a naknadno se iskazuju po amortiziranom trošku.

Kreditni rizici

Fond preuzima izloženost kreditnom riziku, a to je rizik da će jedna strana prouzročiti finansijski gubitak drugoj strani nepodmirenjem obveze. Fond je izložen riziku neplaćanja dužničkih instrumenata, ostalih potraživanja.

Novac i kratkoročni depoziti drže se kod drugih ugovornih strana s dobrim kreditnim rejtingom. Društvo za upravljanje smatra da je vjerojatnost neispunjavanja obaveza blizu nuli, jer ovi instrumenti imaju nizak rizik od neispunjavanja obveza, a druge ugovorne strane imaju jaku sposobnost ispunjavanja svojih ugovornih obveza u kratkom roku.

Fer vrijednost – Tehnike vrednovanja i inputi

Procjena fer vrijednosti

Fer vrijednost predstavlja vrijednost koja bi bila primljena za prodaju imovine ili plaćena za prijenos obveze u redovnoj transakciji između sudionika na tržištu na datum mjerenja. Fer vrijednost finansijske imovine kojom se trguje na aktivnim tržištima temelji se na kotiranim tržišnim cijenama na kraju trgovanja na datum izvještavanja.

Vlasnički vrijednosni papiri koji ne kotiraju

Fer vrijednost vlasničkih vrijednosnica koje ne kotiraju na berzi utvrđuje Društvo za upravljanje korištenjem tehnika vrednovanja. Takve tehnike vrednovanja mogu uključivati multiplikatore dobiti (na temelju projicirane ili istorijske dobiti izdavatelja i dobiti usporedivih firmi koje kotiraju na burzi) i diskontirane novčane tokove (na temelju očekivanih budućih novčanih tokova diskontiranih uz odgovarajuću diskontnu stopu). Fond prilagođava model vrednovanja, prema potrebi, za faktore kao što su neodrživa dobit, sezonalnost dobiti i razlike u tržišnom riziku u poslovanju u odnosu na usporedive multiplikatore. Tehnike vrednovanja također uzimaju u obzir izvornu cijenu transakcije i uzimaju u obzir relevantna kretanja od stjecanja ulaganja i druge faktore koji se odnose na procjenu ulaganja, s obzirom na takva prava u vezi s realizacijom, nedavnim transakcijama trećih strana usporedivih vrsta instrumenata, te pouzdane indikativne ponude potencijalnih kupaca.

Za dužničke instrumente klasificirane kao finansijska imovina po fer vrijednosti kroz bilans uspjeha, promjena kreditne kvalitete odražava se u fer vrijednosti instrumenta.

Neuvršteni dužnički instrumenti

Tehnika vrednovanja neuvrštenih dužničkih instrumenata je neto sadašnja vrijednost procijenjenih budućih novčanih tokova na temelju modela diskontiranog novčanog toka. Diskontna stopa koju koristi Fond temelji se na nerizičnoj stopi privrednog okruženja u kojem posluju portfelj društva, a prilagođena je ostalim faktorima kao što su faktori likvidnosti, kreditnog i tržišnog rizika. Slično modelu višekratnika zarada, novčani tok koji se koristi u modelu diskontnog novčanog toka temelji se na projiciranim novčanim tokovima ili zaradama portfeljskih firmi.

Prilikom utvrđivanja fer vrijednosti, Društvo se moglo osloniti na finansijske podatke društava iz portfelja u koje se ulaže i na procjene menadžmenta društava iz portfelja u koje se ulaže u pogledu učinka budućih kretanja. Iako Društvo za upravljanje koristi svoju najbolju prosudbu i uspoređuje rezultate primarnih modela vrednovanja sa sekundarnim modelima u procjeni fer vrijednosti ulaganja, postoje inherentna ograničenja u svim tehnikama procjene.

Transakcije s povezanim stranama

Fond je neposredno povezana osoba s Društvom za upravljanje, koje slijedi iz ugovora o upravljanju. članovima Nadzornog odbora i Uprave Društva za upravljanje, i ostalim investicijskim fondovima kojima upravlja isto Društvo za upravljanje.

Računovodstveni standardi

Usvajanje novih ili izmijenjenih standarda i tumačenja

Objavljeno je nekoliko novih standarda i tumačenja koji su obavezni za godišnja razdoblja koja počinju na dan ili nakon 1. januara 2023. godine ili kasnije, ali nisu imali značajnog uticaja na Fond:

- o MSFI 17 „Ugovori o osiguranju“ (objavljen 18. maja 2017. godine i na snazi za godišnja razdoblja koja počinju na dan ili nakon 1. januara 2023. godine).
- o Dodaci MSFI-ju 17 i dodatak MSFI-ju 4 (objavljeni 25. juna 2020. godine i na snazi za godišnja razdoblja koja počinju na dan ili nakon 1. januara 2023. godine).
- o Dodaci MRS-u 1 i 2. Smjernicama za praksu uz MSFI-jeve (IFRS Practice Statement 2): Objava računovodstvenih politika (objavljeni 12. februara 2021. godine i na snazi za godišnja razdoblja koja počinju na dan ili nakon 1. januara 2023. godine).
- o Dodaci MRS-u 8: Definicija računovodstvenih procjena (objavljeni 12. februara 2021. godine i na snazi za godišnja razdoblja koja počinju na dan ili nakon 1. januara 2023. godine).
- o Odgođeni porez povezan s imovinom i obavezama koje proizlaze iz jedne transakcije – Dodaci MRS-u 12 (objavljeni 7. maja 2021. godine i na snazi za godišnja razdoblja koja počinju na dan ili nakon 1. januara 2023. godine).
- o Prijelazna mogućnost za osiguravatelje koji primjenjuju MSFI 17 – Dodaci MSFI-ju 17 (objavljeni 9. decembra 2021. godine i na snazi za godišnja razdoblja koja počinju na dan ili nakon 1. januara 2023. godine) o MSFI 14, Odgođeno priznavanje prihoda i rashoda u sustavu propisanih cijena (objavljen 30. januara 2014. godine i na snazi za godišnja razdoblja koja počinju na dan ili nakon 1. januara 2016. godine).
- o Prodaja ili unos imovine između investitora i njegovog pridruženog društva ili zajedničkog pothvata – Dodaci MSFI-ju 10 i MRS-u 28 (objavljeni 11. septembra 2014. godine i na snazi za godišnja razdoblja koja počinju na dan ili nakon dana koji će utvrditi IASB).
- o Dodaci MSFI-ju 16 Najmovi: Obveza po osnovi najma u transakciji prodaje s povratnim najmom (objavljeni 22. septembra 2022. godine i na snazi za godišnja razdoblja koja počinju na dan ili nakon 1. januara 2024. godine).
- o Klasifikacija obveza u kratkoročne ili dugoročne – Dodaci MRS-u 1 (izvorno objavljeni 23. januara 2020. i naknadno izmijenjeni 15. jula 2020. i 31. oktobra 2022. godine, na snazi za godišnja razdoblja koja počinju na dan ili nakon 1. januara 2024. godine).
- o Međunarodni standard finansijskog izvještavanja MSFI 18 – Presentacija i objavljivanje u finansijskim izvještajima (objavljen u aprilu 2024. godine, Novi MSFI 18 zamijeniti će postojeći MRS 1 – Presentacija finansijskih izvještaja, počevši od 1.1.2027., uz potrebu reklasifikacije usporednih podataka za 2026. godinu).
- o Međunarodni standard finansijskog izvještavanja MSFI 19 - Zavisna društva bez javne odgovornosti (objavljen u maju 2024. godine, stupa na snagu 1. 1. 2027., s mogućnošću ranije primjene).

II Zabilješke uz finansijske izvještaje

ZABILJEŠKE UZ BILANS STANJA / IZVJEŠTAJ O FINANSIJSKOM POLOŽAJU

Ukupna imovina Fonda na dan 30.06.2025.g. je 12.473.052 KM (na dan 31.12.2024.g. - 12.407.422 KM).

1. Gotovina (AOP 001)

Fond je na dan 30.06.2025.god. na transakcionom i skrbničkom računu imao iznos od 6.235.578 KM.

ULAGANJA FONDA

2. Finansijska imovina po fer vrijednosti kroz bilans uspjeha (ulaganja Fonda) (AOP 002-013)

Ukupna vrijednost ulaganja Fonda na 30.06.2025. godine iznosi 6.255.292KM (na dan 31.12.2024. godine - 6.102.533 KM). U portfelju je ukupno 26 vrijednosna papira. Fer vrijednost ulaganja u dionice je 5.350.850,70 KM. Iskazani su i udjeli u stranim otvorenim investicionim fondovima i to ukupne fer vrijednosti 751.725,22 KM. Ulaganja u obveznice iznose 18.266,52 KM.

Vrijednosni papiri se vrednuju prema Pravilniku o načinu vrednovanja imovine Fonda po fer vrijednosti, to jest po tržišnoj vrijednosti, ukoliko se aktivno trguje, a po procjenjenoj vrijednosti ukoliko se nije trgovalo zadnjih 90 dana ili po neto vrijednosti imovine. Na dan 30.06.2025. godine dionice 10 vrijednosnih papira su utržive i njihova fer vrijednost iznosi 2.303.248,68 KM, a dionice 16 emitenata su neutržive, sa njima se povremeno trguje ili u zadnjih 90 dana nije bilo trgovanja. Njihova procijenjena vrijednost iznosi 2.284.981,68 KM. Udjeli kod 1 emitenata se vrednuju po neto vrijednosti imovine i njihova vrijednost je 751.725 KM.

Primjena Pravilnika o dodatnim uslovima za ulaganje imovine ZIF (Sl.FBiH br. 7 od 01.02.2023.).

Fond ima ulaganja koja nisu u skladu ograničenjima ulaganja propisanim Zakonom o investicijskim fondovima, prospektom ZIF-a "FORTUNA FOND" d.d. i programom investicijske politike za 2025. godinu. Emitent BH Telecom dd Sarajevo je u prekoračenju ulaganja u iznosu od 125.448,88 KM. Prekoračenje je nastalo kao posljedica kretanja cijena na berzi, te je rok usaglašavana godina dana tj. 31.07.2025. godine.

POTRAŽIVANJA FONDA

3. Ostala imovina i potraživanja, uključujući i razgraničenja (AOP 017 do 021)

- Potraživanja po osnovu dividende iznose 11.008 KM i odnose se na emitente Boksit ad Milići, Svjetlostkomerc d.d. Sarajevo i Hidroelektrane na Vrbasu ad Mrkojić Grad

OBAVEZE FONDA

4. Obaveze po osnovu troškova poslovanja (AOP 030-035)

Obaveze iz osnova poslovanja iznose 9.599 KM. Obaveze prema RVP iznose 880,22 KM za 06-2025, obaveze za bruto platu i naknade plate direktora Fonda 7.151,90 KM za 06-2025, obaveze prema članovima Nad. odbora bruto 1.190,54 KM za 06-2025, obaveze prema članovima Odbora za reviziju bruto 375,94 KM za 06-2025.

5. Obaveze prema banci depozitaru (AOP 033)

Obaveze prema banci depozitaru su u iznosu od 1.866, 71 KM i odnose se na period 06-2025.

6. Obaveze prema Društvu za upravljanje I KVP (AOP 034 -Razgraničenja)

- Upravljačka provizija iznosi 16.209,25 KM za 06-2025.
- Naknada KVP iznosi 1.150,81 KM za 06-2025.

7. Neto vrijednost imovine na dan 30.06.2025.god. – AOP 037-054

Neto vrijednost imovine na dan 30.06.2025.god. iznosi 12.473.052,95 KM (na početku godine iznosila je 12.411.922 KM). Prosječne neto vrijednosti u 2025.g. iznosi 12.573.421,62 KM i date su u tabeli:

Datum	IMOVINA FONDA					OBAVEZE FONDA					Ukupna vrijednost imovine
	Gotovina i gotovinski ekvivalenti	Ulaganja	Potraživanja	Ostalo	UKUPNO	Obaveze po osnovu ulaganja	Obaveze po osnovu troškova poslovanja	Obaveze prema DUF-u	Ostalo	UKUPNO	
1	2	3	4	5	6 (2+3+4+5)	7	8	9	10	11 (7+8+9+10)	12 (6-11)
januar	6.292.682,20	6.124.441,32	34.189,29	0,00	12.451.312,80	0,00	11.891,55	7.562,12	0,00	19.453,68	12.431.859,13
februar	6.256.879,33	6.256.600,46	24.334,79	0,00	12.537.814,58	0,00	6.559,62	7.786,56	0,00	14.346,18	12.523.468,40
mart	6.237.615,84	6.418.625,35	10.140,19	0,00	12.666.381,38	0,00	2.496,69	4.395,58	0,00	6.892,27	12.659.489,11
april	6.209.525,26	6.433.864,09	8.687,13	0,00	12.652.076,49	0,00	2.100,60	5.067,93	0,00	7.168,54	12.644.907,95
maj	6.184.555,68	6.444.749,96	8.991,78	0,00	12.638.297,42	7,16	4.463,29	7.349,86	0,00	11.820,32	12.626.477,11
juni	6.177.521,55	6.369.983,01	19.938,12	0,00	12.567.442,68	60,77	4.665,97	8.387,91	0,00	13.114,64	12.554.328,03
Ukupno	37.358.779,86	38.048.264,18	106.281,30	0,00	75.513.325,34	67,93	32.177,73	40.549,96	0,00	72.795,62	75.440.529,72
Prosjeck za period	6.226.463,31	6.341.377,36	17.713,55	0,00	12.585.554,22	11,32	5.362,95	6.758,33	0,00	12.132,60	12.573.421,62

U ovom periodu neto vrijednost imovine se povećala za 61.150 KM. Neto imovina po dionici/udjelu (054/055) je 5,58 KM.

VANBILANSNA EVIDENCIJA (AOP 057)

Vanbilansna aktiva/pasiva iznosi 502.991,72 KM. Promjena je nastala isknjižavanjem emitenata koji nisu usklađeni i u skladu s tim prenešeni su iz bilansne u vanbilansnu evidenciju.

Iz razloga brisanja iz evidencije kod Registra vrijednosnih papira FBiH iz vanbilasne evidencije brisani su emitenti: Polielilenka dd Bihać – u stečaju, Šipad bina dd Bihać – u stečaju

ZABILJEŠKE UZ BILANS USPJEHA / IZVJEŠTAJ O UKUPNOM REZULTATU /

1. Prihodi i nerealizovani dobici Fonda AOP 201 (uključuje AOP 202 do 217)

Ukupni poslovni prihodi i realizovani kao i neto nerealizovani dobici iznose 598.494 KM.

Prihodi od dividende (AOP 206) čine : iznos od 2.322 KM i odnosi se na prihod od dividend od Telekom RS d.d.

Prihodi od kamata AOP 203 do 205 čine : iznos od 326 KM i odnosi se na prihod od kamata na obveznice oznake RSR.

2. Rashodi i nerealizovani gubici Fonda AOP 218 (uključuje AOP 219 do 236)

Rashodi i nerealizovani gubici Fonda iznose 318.992 KM, obuhvaćeni su svi troškovi perioda, rashodi kao i neto nerealizovani gubici.

Neto realizovni gubitak (AOP 228) iznosi 345.643 KM i odnosi se na prodaju dionica – Duvaplast ad Kakmuž I BH Telekom dd.

Troškovi i rashodi perioda iznose 191.700 KM. Troškovi i rashodi iznose 1,52% od prosječne NVI Fonda.

Troškovi i rashodi perioda iznose na AOP 219-236 odnosi se na sljedeće:

Rb	Vrsta troška	Iznos (KM)	Udio %
1	2	3	4
1	Naknada društvu za upravljanje (provizija)	98.064,25	51,15%
2	Naknada Registru vrijednosnih papira u Federaciji BiH	6.047,68	3,15%
3	Naknada depozitaru	11.200,83	5,84%
4	Naknada za reviziju	0,00	0,00%
5	Naknada za računovodstvo	0,00	0,00%
6	Naknada berzi	11.400,00	5,95%
7	Troškovi kupovine i prodaje ulaganja	675,69	0,35%
8	Troškovi servisiranja dioničara	3.091,14	1,61%
9	Naknade i troškovi nadzornog odbora	7.143,24	3,73%
10	Naknade i troškovi direktora fonda	43.803,09	22,85%
11	Naknada Komisiji za vrijednosne papire Federacije BiH	7.065,38	3,69%
12	Rashodi po osnovu poreza	0,00	0,00%
13	Ostali troškovi	3.209,02	1,67%
14	Ukupno troškovi:	191.700,32	100,00 %
15	Ukupno troškovi iz člana 65. ili 93. Zakona o investicijskim fondovima	191.700,32	1,00
16	Prosječna vrijednost neto imovine fonda za 01.06.-30.06.2025. period	12.573.421,62	
17	Udio troškove iz tačke 15. u prosječnoj neto vrijednosti imovine fonda (%) za----- period	1,52%	

Analitički ostvareni su sljedeći troškovi : naknada Društvu za upravljanje – 98.064,25 KM, naknada Depozitaru- za usluge depozitara i skrbnika iznosi 11.200,83 KM, naknada RVP iznosi 6.047,68 KM; naknada SASE iznosi 11.400 KM; troškovi kupovine i prodaje ulaganja i iznose 675,69 KM; naknade i troškovi Nad. odb. iznose 7.143,24 KM; naknade i troškovi direktora fonda (bruto plata, TO, putni nalog i ost.troš.dir.) iznose 87.098,57 KM; Troškovi KVP iznose 3.598,02 KM, naknade i troškovi OR 2255,64 KM; bankarske usluge 421,94 KM. Troškovi objava u novinama- oglasi za dionicare –535,86 KM, Troškovi ostali iznose 120,00 KM.

3. Dobit / gubitak perioda (AOP 242/243)

Dobit perioda iznosi: 61.150 KM.

4. Transakcije sa vrijednosnim papirima iz portfelja Fonda

U periodu 01.01.-30.06.2025. godine bilo je prodajnih transakcija za ZIF Fortuna fond d.d.

Vrijednost ostvarena prodajom vrijednosnih papira je iznosila 88.562,49 KM, čiji pregled dajemo u nastavku:

		Kupovine			Prodaje		
		količina	prosječna cijena	vrijednost	količina	prosječna cijena	vrijednost
ULAGANJA U INSTRUMENTE KAPITALA							
1	DUVAPLAST AD KAKMUŽ	-	-	-	5.482	0,0001	0,55
2	BH TELECOM D.D. SARAJEVO	-	-	-	6.213	14,25	88.561,94

Izvršena je prodaja dionica : DUVAPLAST AD KAKMUŽ, BH Telekom dd Sarajevo

Efekti prodaje vrijednosnih papira u 2025.g.

Simbol ili oznaka	Naziv emitenta	Realizirani dobitak/gubitak
DPLS-R-A	DUVAPLAST AD KAKMUŽ	0,55
BHTS-R-A	BH TELECOM D.D. SARAJEVO	-345.947,13

U razdoblju od 1.1. do 30.06.2025. godine DUF Lilium Asset Management d.o.o u ime i za račun Fonda nije obavljao kupovne transakcije.

Vršena je prodaja BH Telecom dd Sarajevo jer se isti nalazi u prekoračenju ulaganja, shodno Zakonu o investicijskim fondovima,. Prekoračenje je nastalo kao posljedica kretanja cijena na berzi, te je rok usaglašavanja 31.07.2025. godine.

U toku perioda na naplatu su došli i zadnji anuiteti obveznica RSRS-O-E i RSRS-O-F.

ZABILJEŠKE UZ IZVJEŠTAJ O PROMJENAMA NETO IMOVINE INVESTICIONOG FONDA

U periodu 01.01.-30.06.2025. godine dobit iznosi 61.150 KM (AOP 307). Neto vrijednost imovine Fonda na početku perioda iznosila je 12.411.922 KM, a na kraju 12.473.052 KM.

ZABILJEŠKE UZ IZVJEŠTAJ O GOTOVINSKIM TOKOVIMA

Prilivi po osnovu kamata (AOP 401) iznosi 326 KM. Prilivi od prodaje finansijske imovine po fer vrijednosti kroz bilans uspjeha iznosi 88.552 KM (AOP 404). Priliv od naplate anuiteta obveznica (AOP 418) iznosi 8.881 KM. Priliv od dividendi je bio 31.541 KM. Najveći odlivi novca (AOP 411-419) su se desili u izmirenju redovnih tekućih obaveza u iznosu od 200.957 KM. Od toga prema DUF Lilium Asset Management d.o.o. 98.600 KM.

IDENTIFIKACIJA POVEZANIH OSOBA

Povezane osobe u smislu člana 2. Tačka o) Zakona o investicijskim fondovima

Naziv povezane stranke	Vrsta povezanosti	Pravni ili drugi osnov transakcije	Obaveze	Potraživanja	Prihodi	Rashodi
			na dan 30.06.2025. prema navedenoj povezanoj stranki		01.01.2025.-30.06.2025. sa navedenom vezanom strankom	
Lilium Asset Management doo	Društvo za upravljanje	Ugovor o upravljanju	16.209,25	0,00	0,00	98.064,00
Raiffeisen bank dd	Depozitar i skrbnik	Ugovor	1.866,71	0,00	0,00	11.201,00
Sarajevska berza	Berza	Ugovor	0,00	0,00	0,00	11.400,00
Raiffeisen Capital Banjaluka	Broker	Ugovor	0,00	0,00	0,00	0,00
Raiffeisen bank dd	Broker	Ugovor	0,00	0,00	0,00	676,00
Hamdija Velagić	Direktor Fonda	Ugovor-bruto plata+naknade plate	7.151,90	0,0	0,00	43.803,09
Sergej Goriup	Predsjednik Nadzornog odbora	Ugovor	400,00	0,00	0,00	2.400,00
Iris Nezirević	Član nadzornog odbora	Ugovor	300,00	0,00	0,00	1.800,00
Armin Alijagić	Član nadzornog odbora	Ugovor	300,00	0,00	0,00	1.800,00
Jasminka Gajić	Član/predsjednik odbora za reviziju	Ugovor	125,00	0,00	0,00	900,00
Suad Rošić	Član odbora za reviziju	Ugovor	100,00	0,00	0,00	600,00
Mirjana Damjanović	Član odbora za reviziju	Ugovor	100,00	0,00	0,00	600,00

Članovi Nadzornog odbora Fonda su:

- Sergej Goriup – predsjednik. Privatna advokatska kancelarija Sergej Goriup. Ukupne neto naknade u iznosu 2.400 KM, mjesečna naknada je 400,00 KM.
- Iris Nezirević -član. Uposlenica JP Elektroprivreda BiH d.d. - Ukupne neto naknade 1.800,00 KM, mjesečna naknada je 300 KM.
- Armin Alijagić - član. - Naša Perspektiva Group/NP Group - Ukupne neto naknade 1.800 KM, mjesečna naknada je 300 KM.

Prema ugovorima članovima Nad.odбора pripadaju naknade na mjesečnom nivou.

Sudski spor

Nema sudskih sporova.

Ostale informacije:

Skupština dioničara održana je 16.05.2025. godine i donijela je odluku o nastavku rada Fonda, ali nije usvojila finansijski izvještaj Fonda za 2024. godine.

Sarajevo, 30.06.2025. godine

Cert. računovođa :



M.P.



Direktor Društva:

